

GOVERNMENT PRESS SECRETARIAT

MINISTRY OF THE PRIME MINISTER & CABINET

Level 4 FMFMII Government Building
Eleele-fou i Matagalalua, Apia, SAMOA
P: +685 26397/ 24799 ext 747
E: lave.tuiletufuga@mpmc.gov.ws
dikaiosune.atoa@mpmc.gov.ws
pressoffice@mpmc.gov.ws



TEUTEUGA OLE POLOAIGA MO FA'ALAVELAVE TUTUPU FAAFU'ASE'I- Aso12 Mati 2021

1. Fa'aauauina o le Piliota mo Fa'aaliga Faasalalau o Faalavelave Tutupu Faafuasei mo le Faama'i o le COVID19 (Extension of Proclamation for COVID19)

2. Fa'aauauina o Poloaiga mo Faalavelave Tutupu Faafuasei mo le Faama'i o le COVID19 (Extension of State of Emergency Order for COVID19)

I lana Fonotaga o le Aso Lulu 10 Fepuari 2021, na talanoaina ai e le Kapeneta le Pepa ma faamaonia ai e faapea:

- i. Le Fa'aauauina o le Piliota mo Fa'aaliga Faasalalau o Faalavelave Tutupu Faafuasei mo le Covid19 mai le Aso Gafua, 15 Mati seia aulia le Aso Sa, 11 Aperila 2021;
- ii. Le Fa'aauauina o Teuteuga o le Poloaiga mo Faalavelave Tutupu Faafuasei mo le Covid19 mai le Aso Gafua, 15 Mati seia aulia le Aso Sa, 11 Aperila 2021.

Le amata faamamaluina o le fa'aauauina o le piliota mo Fa'aaliga Faasalalau o Faalavelave Tutupu Faafuasei (Extension of Proclamation for State of Emergency) ma ona Teuteuga mai i le Aso 15 Mati 2021 seia aulia le Aso 11 Aperila 2021 ma toe iloilo ai e le Kapeneta.

I lana Fonotaga o le Aso Lua 9 Mati 2021, na talanoaina ai e le Kapeneta le Pepa ma faamaonia ai Teuteuga o le Poloaiga mo Faalavelave Tutupu Faafuasei mo le faama'i o le Covid19 e pei ona taua i lalo:

1. Faatulagaga o Malaga a Vaalele mo Mati ia Iuni

- Aso 12 Mati 2021; Malaga Togipau a le Talofa Airways mo Amerika Samoa.
- Aso 2 Aperila 2021; Malaga a le vaalele o le fitafita a Ausetalia mo le puipuiga e afea Samoa mo le lua (2) itula e utu ai le vaalele a o le'i fa'auau mo Amerika. E to'a 21 le auvaa ma e leai se isi e tuua le vaalele i le taimi e utu ai.
- Aso 3 Aperila 2021; Malaga faapitoa mo le auina atu o tagatanuu Ausetalia o loo i Samoa nei, faapea le malaga mai ai o tagata faigaluega mai fafo e galulue i Matagaluega a le Malo.
- Aso 16 Aperila 2021; Malaga mai Aukilani, Niu Sila.
- Aso 26 Aperila 2021; Malaga mo le auina mai o tagatanuu Samoa o loo i Amerika ma Europa, sa fuafua e o mai i le malaga togipau ia Tesema 2020. E faatino e le Fiji Airways.
- Aso 30 Aperila 2021; Malaga togipau mai Saina e aumai ai tagata Saina e to'a 80 e galulue faakonekarate i atinae o le uafu i Apia, atinae o togalaau'aina faapea le fausia o le faleaoga mo leoleo.
- Aso 14 Me 2021; Malaga mai Aukilani, Niu Sila.
- Aso 4 ma le Aso 25 Iuni 2021; Malaga mai Aukilani, Niu Sila e toe faafoi mai ai tagata galulue faavaitaimi.

2. **Tuutuuga mo Femalagaiga i le Va o Samoa ma Tokelau**

- a. Le faatumauina pea o le faatagaga mo le ulufale mai o tagata Tokelau i Samoa, sei vagana ua logoina e le Matagaluega o le Va-i-Fafo ma Fefaatauaiga le taofia ona ulufale mai;
- e. Le logoina o le Matagaluega o le Va-i-Fafo i le mafuaaga ma le aso tonu o le faigamalaga a o le'i malaga mai;
- i. Ua faatonuina le Matagaluega o le Va-i-Fafo ma Fefaatauaiga e faailoa i vaega eseese uma o le Malo mo soo se malaga mai Tokelau, ina ia lava le taimi e sauniuni ai ē gafa ma le mata'ituina o tuaoi.

3. **Tuutuuga mo le Samoa Airways ma le Talofa Airways mo Faigamalaga i Tutuila ma le toe foi mai**

- a. Le auina atu o pasese i Tutuila ma le toe aumai o tagata malaga mai Amerika Samoa i luga o aiaiga nei:
 - i. Le usitaia uma o aiaiga faalesoifua maloloina;
 - ii. Le muai tuuina mai i le Matagaluega o le Va-i-Fafo ma Fefaatauaiga le lisi o pasese e fia auina i Tutuila ma pasese e fia aumai i Samoa mo le iloiloga a le Komiti o Faalavelave Faafuasei;

- iii. Le t̄ap̄a o se faatagana mai le Komiti o Faalavelave Faafuasei mo soo se pasese e fia auina mai Tutuila i Samoa nei;
- iv. Tuuina mai o se faatagaga mai le Malo o Tutuila e malaga atu ai nei vaalele.

4. **Toe Iloiloina o Faasalaga mo le Solia o Poloaiga**

- a. Faasalaga tautupe mo Kamupani vaalele, Kamupani vaa oloa ma vaa fagota latou te solia Poloaiga mo Faalavelave Tutupu Faafuasei i le \$15,000.00 i le soligatulafono muamua, ae \$20,000.00 i aso taitasi e fa'aauau ai le soligatulafono;
- e. E \$2,000.00 le faasalaga o sui taitoatasi o le auvaa pe a faamaonia ua solia aiaiga o le Poloaiga.

Ua faatonuina le Matagaluega o le Soifua Maloloina e faatino tapenaga masani o siaki faafomai mo nei faigamalaga, auā le malupuipua o tagata lautele.

Le amata faamamaluina o nei suiga i le Aso Gafua 15 Mati 2021 seia toe iai se isi fa'aaliga.

E faatumauina pea isi aiaiga o Poloaiga o Faalavelave Tutupu Faafuase'i na mua'i tuuina atu.

E faatumauina pea isi aiaiga o Poloaiga o Faalavelave Tutupu Faafuase'i na mua'i tuuina atu.

O lenei faaiuga na faia i lona tulaga faanatinati e tusa ai ma le Vaega 38(1)© o le Faavae o le Malo Tutoatasi o Samoa.